



1254/22 ; 17/11/22 - strana
NIKOLA J.

Broj: 11-37-16058-6/18
Zenica, 14.11.2022. godine

Na osnovu člana 200. Zakona o upravnom postupku („Službene novine FBiH“, broj 2/98,48/99,i 61/22), člana 5. stav 1. alineja 3. Pravilnika o načinu pregleda umrlih, te utvrđivanja vremena i uzroka smrti („Sl. novine FBiH“, broj: 79/13 i 9/14) a u vezi sa članom 3. stav 3. Odluke o utvrđivanju organizacije i rada mrtvozorničke službe kojom se osigurava pregled, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona („Sl. novine Zeničko-dobojskog kantona“, broj: 8/18 i 4/19), na zahtjev JU “Dom zdravlja“ Vareš, Ministarstvo zdravstva Zeničko-dobojskog kantona d o n o s i

R J E Š E N J E
o razrješenju imenovanog mrtvozornika

I

Draženka Pašalić-Mirčić, doktor medicine, razrješava se dužnosti mrtvozornika prije proteka vremena na koji je imenovana za obavljanje pregleda umrlih i utvrđivanja vremena i uzroka smrti umrlih izvan zdravstvene ustanove na području Općine Vareš.

II

Ovo rješenje stupa na snagu danom donošenja i objavit će se u „Službenom glasniku Općine Vareš“.

O b r a z l o ž e n j e

Zahtjevom JU “Dom zdravlja“ Vareš od 11.10.2022. godine zatraženo je razrješenje dužnosti dr Draženke Pašalić-Mirčić, mrtvozornika za pregled umrlih lica na području Općine Vareš u JU “Dom zdravlja“ Vareš, zbog prestanka radnog odnosa. Uz zahtjev za razrješenje dužnosti mrtvozornika priložena je izjava Draženke Pašalić-Mirčić od 27.09.2022. godine.

U provedenom postupku izvršen je uvid u rješenje o imenovanju mrtvozornika Ministarstva zdravstva broj: 11-37-16058-1/18 od 19.12.2018. godine i rješenje o dopuni rješenja o imenovanju mrtvozornika broj: 11-37-16058-1-1/18 od 23.06.2021. godine. Uvidom u navedena rješenja na nesporan način je utvrđeno da je Ministarstvo zdravstva imenovalo mrtvozornika dr Draženku Pašalić-Mirčić za obavljanje pregleda umrlih i utvrđivanje vremena i uzroka smrti osoba umrlih izvan zdravstvene ustanove na području Općine Vareš. Uvidom u izjavu Draženke Pašalić-Mirčić od 27.09.2022. godine, utvrđeno je da je imenovana obavijestila JU „Dom zdravlja“ Vareš da nije u mogućnosti obavljati mrtvozorničku dužnost za područje Općine Vareš.

Članom 5. stav 1. alineja 3. Pravilnika propisano je da imenovani mrtvozornici mogu biti razrješeni i prije proteka vremena na koji su imenovani na lični zahtjev mrtvozornika.

Članom 3. stav 3. Odluke o utvrđivanju organizacije i rada mrtvozorničke službe kojom se osigurava pregled, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona (u daljem tekstu: Odluka), propisano je da imenovani mrtvozornik može biti razrješeno i prije proteka vremena na koji je imenovan u slučajevima propisanim članom 5. Pravilnika.

Sljedom navedenog, u skladu sa članom 5. stav 1. alineja 3. Pravilnika, a u vezi sa članom 3. stav 3. Odluke, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja može se izjaviti žalba Federalnom ministarstvu zdravstva u roku od 15 dana od dana prijema rješenja. Žalba se podnosi u dva primjerka, putem Ministarstva zdravstva Zeničko-dobojskog kantona, usmeno na zapisnik ili pismeno

Dostaviti:

- 1x JU "Dom zdravlja" Vareš,
- 1x Imenovanoj (putem JU "Dom zdravlja" Vareš),
- 1x Općina Vareš,
- 1x Policijska uprava Vareš,
- 1x Sanitarna inspekcija Općine Vareš,
- 1x „Službeni glasnik Općine Vareš”,
- 1x Evidencija,
- 1x a/a



MINISTAR

dr. Adnan Jupić